

Ibsa Suuratu Al-Mursalaat-Kutaa 1

Description

Bismillah rahmaani rahiim (Maqaa Rabbii rahmaan, rahiim taâ€™een jalqaba) Dhugumatti Faaruun hundi kan Rabbiiti. Isa ni faarsina, ni gargaarsifanna, araarama Isa kadhanna. Sharriwwan nafsee teenyaa fi hamtuwwan hojiiwwan keenyaa irraa Rabbiin eeggamna. Nama Rabbiin qajeelche kan isa jallisu hin jiru. Nama Rabbiin jallise kan isa qajeelchu hin jiru. Rabbi Tokkicha shariika hin qabne malee dhugaan gabbaramaan akka hin jirre ragaa nan baha. Akkasumas, Muhammad gabrichaa fi Ergamaa Isaa taâ€™uu ragaa nan baha.

Wanta Qoma keessa jiruuf Qoricha kan taâ€™e Gooftaa keessan irraa isinitti dhufe

Dhugumatti jirenya namaa hundee irraa kitaabni jijiruu dandaâ€™u Qurâ€™aana. Tarii kitaabonni biroo jijjirama fiduu dandaâ€™u. Garuu jijjiramni kunniin gadi dhaabbataa fi itti fufaa miti. Jijjiramni Qurâ€™aaanni jirenya namaa keessatti fidu gadi dhaabbataa fi turaadha. Tarii namni fedhii lubbuu isa mooâ€™attu fi dhukkuba qalbii isaa fayyisuuf wanta baayâ€™ee hojjata. Garuu yoo Qurâ€™aana qajeelcha hin godhatin, tooftaaleen hundi ni fashalaaâ€™u. Kanaafi, Qurâ€™aanni dhibee qalbii fi fedhii lubbuutif qoricha. Dhibeen qalbii kanneen akka shakkii, kufrii, of tuuluu, hinaaffi, haafayuu fi kkf. Qurâ€™aana keessatti Rabbiin subhaanahu wa taâ€™aalaa ni jedha:

يَأَيُّهَا النَّاسُ قَدْ جَاءَكُم مَوْعِظَةٌ مِنْ رَبِّكُمْ وَشِفَاءٌ لِمَا فِي
الْأَصْدُورِ وَهُدًى وَرَحْمَةٌ لِلْمُؤْمِنِينَ



â€œYaa namoota!, dhugumatti gorsi Gooftaa keessan irraa taatee, waan qoma keessa jiruf qoricha, muâ€™imintootaf (warroota dhugaan amananiif) qajeelfamaa fi rahmata tan taate isinitti dhufte.â€ Suuraa Yuunus 10:57

Gorsi kuni Qurâ€™aana. Qurâ€™aanni wanta qoma keessa jiruuf qoricha. Warroota amananiif qajeelfamaa fi rahmata. Qurâ€™aanni qoricha, qajeelfamaa fi rahmata kan taâ€™u yoo isa baratan, hubatanii fi hojii irra oolchaniidha. Sababa adda addaa irraa kan kaâ€™e, namoonni baayâ€™een Qurâ€™aana osoo hin baratin hafuu dandaâ€™u. Bakka duwwaa kana dhiphisuuf Sammubani.com irratti barruulee barraaâ€™an keessatti aayata Qurâ€™aana hanga dandaâ€™ame kitaabban tafsiira beekkamoo irraa ibsaa turreera. Mee ammas, Suurah Qurâ€™aanaa keessaa ibsa suurah muraasaa haa ilaallu. Suurawwan tunniin dhimma Guyyaa Qiyaamaatin waan wal-qabataniif iimaana namaa ni jabeessu. Laa hawla walaa quwwata illa billah

Qiyaamaan Dhufuun Haqa

وَالْمُرْسَلِتُ عُرْفًا ﴿١﴾ فَالْعَصِيفَتِ عَصْفًا ﴿٢﴾ وَالنَّشَرَاتِ نَشَرًا ﴿٣﴾ فَالْفَرِيقَتِ
﴿٤﴾ فَالْمُلْقِيَتِ ذِكْرًا ﴿٥﴾ عُذْرًا أَوْ نُذْرًا ﴿٦﴾ إِنَّمَا تُوعَدُونَ لَوَاقِعٌ ﴿٧﴾

â€œ(1)-Wal duraa duubaan [bubbeewan] ergamaniin; (2)-Humnaan bubbisuu bubbisaniin; (3)-Faffacaastota faffacaasaniin nan kakadha; (4)-Adda baastota adda baasaniin, (5)-Yaadannoo darbitootaan nan kakadha, (6)- sababa dhabamsiisuuf yookiin akeekachisaaf. (7)- Dhugumatti wanti isin waadaa galamtan ni argama.â€ Suuratu Al-Mursalaat 77:1-7

Jecha â€œmursalaatâ€ jedhu ilaachise hayyooni hiikota beekkamo lama kennanii jiru. Isaanis, bubbee fi malaykoota. Garuu harki caalaan hayyootaa, â€œbebbeeâ€ jedhanii jiru.[\[1\]](#) Kanaafu, nutis gara Afaan Oromootti yommuu deebisnu bubbee jechuun fayyadamne jirra.

â€œWal duraa duubaan [bubbeewan] ergamaniinâ€ Kana jechuun bubbbee wal duraa duubaan qananii fi rahmataan ergamaniin Nan kakadha. Bubbeen tuni rooba rahmata Rabbii taâ€™een nama gammachiisti. Rabbiin subhaanahu wa taâ€™aalaa ni jedhaâ€œInni bubbbee gammachiisa taasisee rahmata Isaa dura Kan erguudha.â€ Suuratu Al-Aâ€™araaf 7:57 (Asitti rahmanni Isaa rooba)

â€œHumnaan bubbisuu bubbisaniinâ€ Ammas bubbbee humnaan bubbistuun Nan kakadhaa. Aayaata keessatti jecha hedduumminna agarsiisu waan fayyadameef akkuma jiruutti gara Afaan Oromootti deebise. Garuu ibsa keessatti akka namaaf galuuf jecha tokke (singular) fayyadame. Bubbeen humnaan bubbistu tuni wanta dachi irra jiru fuutee bakka tokko irraa bakka biraatti geessun hojii adda addaa hojjatti. Hojii kana keessaa namoota kan fayyadu jira, ammas isaaniif qormaata kan taâ€™uu fi isaan adabuufis kan taâ€™u jira. Bubbeen humnaan bubbistu tan adabbii fiddu akka aadaa fi seeraa Rabbiitti bubbbee rahmataa fi qananiin ergamtu booda dhufti.

â€œFaffacaastota faffacaasaniin nan kakadhâ€ Kana jechuun bubbbee faffacaastu taaten nan kakadha. Bubbeen tuni hurka bishaani ni faffacaasti. Hurka kanarraayis duumessi ni uumama. Akkasumas, bubbbeen tuni sanyii biqiltootaa fi daakuu habaaboo bakka tokko irraa bakka biraatti faffaacasun biqiltoonni akka bilchaatanii fi wal horan gahee taphatti. Ammas, bubbbeen tuni gaazi fi

wantoota nama ukkaamsan ni faffaasti.[\[2\]](#) Rabbiin subhaanahu wa taâ€™aalaa haqa guddaa gara fuunduraatti dhufu tokko mirkaneessuf bubbleewwan faayda guddaa fi baayâ€™ee qaban tanniinin kakate.

â€œAdda baastota adda baasaniinâ€ Kana jechuun Malaaykota wanta dhugaa fi soba addaan baasu fidaniin nan kakadha.[\[3\]](#)

â€œYaadannoo darbitootaan nan kakadhaâ€ Kana jechuun Malaykoota ergaa fi beeksisa (wahyii) Rabbiin gara Ergamtootatti geessaniin kakadha.[\[4\]](#) Wahyiin (ergaa fi beeksisni) Rabbiin irraa gabrootatti dhufu isaaniif yaadannoo taâ€™a. Wahyi kana keessatti faayda isaanii isaan yaadachiisa.

â€œesababa dhabamsiisuuf yookiin akeekachisuuf.â€ Ergaa fi beeksisni Rabbiin irraa gara namootaa dhufe kuni wantoota sodaachisoo gara fuunduraatti isaanitti dhufu akeekachiisu, ammas, sababa isaan dhiyefatan dhabamsiisu. Kanaafu, Rabbiin biratti ragaa ittiin mormatan hin qaban.[\[5\]](#) Guyyaa Qiyaamaa, â€œRabbitin irraa ergaan nutti hin dhufneâ€™echuun akka sababa hin dhiyefanneef Rabbiin subhaanahu kitaabban ni buuse, ergamtoota ni erge. Keeyyattonni Rabbii erga isaaf ibsamani booda namni kafaruun adabbiif of saaxile, sababa dhiyefatu hin qabu. Mataa ofii malee eenyullee hin komatu.

Rabbitin subhaanahu wa taâ€™aalaa wantoota armaan oliitin kan kakatuuf haqa shakkiin keessa hin jirre namootaaaf mirkaneessu fi isaan amansiisuufi. Haqa kanasakkana jechuun ibse: **â€œDhugumatti wanti isin waadaa galamtan ni argama.â€** Kana jechuun â€œGuyyaa Qiyaamaa xurunbaan ni afuufama, qaamonni duâ€™an ni kaafamu, namoota jalqaba irraa kaasee hanga dhumaa jiran dirree tokko irratti walitti qaba, hunda isaanitiifu jazaa Nan kafalaâ€™echuun waadaan Ani isiniif gale ni argama. **â€œoni argamaâ€** kana jechuun wanti waadaa galame kuni dirqamaan ni taâ€™a, shakkii hin qabu.

Taateewan Gurguddaa Addunyaa Keessatti adeemsifaman


Wanti Guyyaa Qiyaamaa waadaa galame kuni yommuu argamu, addunyaa keessatti jijiramni guddaa fi haalonnii garmalee ciccimoo nama rifachiisan ni uumamu. Mee haalota kanniin haa ilaallu:

﴿فَإِذَا النُّجُومُ طُمِسَتْ ﴿٨﴾ وَإِذَا السَّمَاءُ فُرِجَتْ ﴿٩﴾ وَإِذَا الْجِبَالُ نُسِفَتْ ﴿١٠﴾ وَإِذَا الرُّسُلُ أُقْتَتْ ﴿١١﴾ لَا يَوْمٌ أَجِلٌ لِّيَوْمٍ الْفَضْلِ ﴿١٢﴾ وَمَا أَدْرِكَ مَا يَوْمُ الْفَضْلِ ﴿١٣﴾ وَيَلْ يَوْمَ إِذِ الْمُكَذِّبِينَ ﴿١٤﴾﴾

â€œ(8)-Yeroo urjiileen ifti isaanii haaqame. **(9)-**Yeroo samiinis babbanamte; **(10)-**Yeroo gaarreenis bubbuqifaman; **(11)-**Yeroo Ergamtoonis beellamaan walitti qabaman; **(12)-**Guyyaa kamiif tursiifame? **(13)-**Guyyaa Addaan bahiinsaatif. **(14)-**Guyyaan addaan bahiinsa maal akka taâ€™e maaltu si beeksisee? **(15)-**Guyyaa san kijibsiiftootaaf ee badii isaanii!â€» (Suuratu al-Mursalaat 77:8-15)


Aayaata tanniin keessatti Guyyaan Qiyaamaa kuni addunyaa keessa jiraannu tana keessatti jijjiramni akkami yoo adeemsifame akka dhufu himu. Guyyaan Qiyaamaa jechuun Guyyaan namoonni duâ€™an hundi kaafamuun murtiin isaan jiddutti darbee takkaa gara Jannataa takkaa immoo gara Jahannam itti deemaniidha.

Yeroo akkamii Guyyaan Qiyaamaa kuni dhufaa? Yeroo urjiileen sarara irra naannaâ€™an (orbiiti isaanii) gadi furanii, ifti isaanii haaqamuun harcaâ€™anii fi bittinnaâ€™an. Qurâ€™aana keessatti iddo biraatti Guyyaan Qiyaamaa haala urjiilee ni dubbata:



â€œYeroo Urjiileen harcaâ€™anâ€¢ Suuratu At-Takwiir 81:2

Urjiileen ifa dhabuu fi harcaâ€™uun wantoota gurguddaa Guyyaan Qiyaamaa adeemsifaman keessa tokko. Wanti rifachisaan biroo Guyyaan san adeemsifamu, samiin harâ€™a wal-qixxooftu taatee fi qawwaa fi baqaqiinsa homaatu hin qabne dhodhooâ€™u fi banamuudha. Guyyaan san samiin tuni dhodhoâ€™uu fi babbaquun banantu taati. Namni tokko, â€œUrjiileen erga harcaâ€™anii fi samiin dhodhoote banamte, aduu fi jiiyni hoo maal taâ€™uu?â€¢ jedhee gaafachu dandaâ€™a. Rabbiin subhaanahu wa taâ€™aalaa Guyyaan Qiyaamaa wanta aduun taatu ilaachise ni jedha:



â€œYeroo aduun maramte.â€¢ Suuratu At-Takwiir 81:1

Akkuma beekkamu hammii aduu hamma dachii caala. Garuu waan nurraa fagaatteef xiqqoo fakkaatti. Yommuu Qiyaamaan dhootu, akkuma amaamaan maramu aduunis ni maramti. Aduun yoo walitti maramte, ifni ishii ni badaa jechuudha.

Jiynis ifa dhabuun aduun akka walitti makamu Suuratu Al-Qiyaamah keessatti ni dubbata:



â€œ[Yeroo] Jiyni dukkanaâ€™u (ifa dhabu), Aduu fi jiyni walitti qabamanâ€¢ Suuratu Al-Qiyaamah 75:8-9

Aduun jiâ€™a liqimsuun bakka tokkotti walitti qabamu.

Wantoonni armaan olitti kaasne wantoota nu olitti adeemsifamaniidha. Samii fi wantoota ishii keessa jiranitti taateewan gurguddaan kunniin ni adeemsifamu. Dachii irratti hoo maaltu adeemsifamaa? Itti aansun ni dubbata: â€œYeroo gaarreenis bubbuqifamanâ€¢

Gaarreen gurguddaa fi dhedheeron arginu kunniin bakka isaaniiti bubbuqifamuun daaraa taâ€™u. Dachii irratti wanti gaara jedhamu hin mulâ€™atu. Rabbiin subhaanahu wa taâ€™aalaa ni jedha:

â€œWaaâ€™ee gaarreenii si gaafatu. â€œGooftaan kiyya faffacaasu isaan faffacaasa.â€¢ gedhiin.â€¢

• (Suuratu Xaahaa 20:105) Kana jechuun gaarreen bakka isaaniitii isaan deemsiisuu fi bubbuqisuun akka jibrii iddamtee ykn akka ashawaa taasisa. Ergasii waliin dhawuun akka awwaara ykn dhukkee bunnisu godha. Dachiin hoo akkam taati? Gaarreen erga irraa buqqaâ€™anii daaraa taâ€™anii booda dachiin dirree wal qixxooftu buâ€™aa bayii homaatu hin qabne taati. Rabbiin subhaanahu wa taâ€™aalaa ni jedha: **â€œLafa wal qixxaataa biqilaa hin qabne taasisee dachii dhiisa. Ishii keessattis buâ€™aa bahii homaa hin agartu.**â€ Suuratu Xaahaa 106-107

Dachii fi samii keessatti jijiramni hangana hin jedhamne ni adeemsifama. Itti aanse haala namoota dubbata: **â€œYeroo Ergamtoonis beellamaan walitti qabamanâ€**

Beellamni (qaxaroon) kuni **â€œGuyyaa kamiif tursifamee?**â€ Kuni gaafi guddinna Guyyaa kanaa agarsiisudha. Ergasiiakkana jechuun deebise, **â€œGuyyaa Addaan bahiinsaatifâ€** Kana jechuun Guyyaa Rabbiin subhaanahu wa taâ€™aala uumamtoota jidduutti murteessuf tursifame. Guyyaa kana keessa ilmaan namaa hojii isaanii irratti hundaaâ€™e gara Jannataa fi ibiddaatti addaan baafamu (fooyamu).

Guyyaan Qiyaamaa Guyyaa Ergamtooni walitti qabamuun isaanii fi ummata isaanii jiddutti murteefamuudha. Rabbiin subhaanahu wa taâ€™aalaa ni jedha:

وَأَشْرَقَتِ الْأَرْضُ بِنُورِ رَبِّهَا وَوُضَعَ الْكِتَبُ وَجَاءَيْهَا بِالنَّبِيِّنَ
وَالشَّهَدَاءِ وَقُضِيَ بَيْنَهُمْ بِالْحَقِّ وَهُمْ لَا يُظْلَمُونَ

٦٩

â€œDachiinis ifa Gooftaa ishiitin ni ifti. Galmeenis ni kaaâ€™ama. Nabiyyoonni fi ragooleen ni fidamu. Gidduu isaanitti haqaan murteefama, isaan homaa hin miidhamanâ€ Suuratu Az-Zumar 39:69

Guyyaan Qiyaamaa ifti amma jiru ni bada. Akkuma irranatti ilaalle, aduun ni maramti, jiiyni ifa dhaba, urjiileenis ifni isaanii haaqamun harcaâ€™u. Kanaafu, namoonni dukkana keessa taâ€™u. Yeroo kanatti **â€œedachiin ifa Gooftaa ishiitin ni ifti.**â€ Yommuu Rabbiin guddaan oltaâ€™ee namoota jidduutti murteessuf dhufu, dachiin ifa Isaaatin ifti. **â€œGalmeenis ni kaaâ€™amaâ€** Kana jechuun kitaabni hojiin namootaa keessatti galmeefame ni dhiyefama. Namni hundi wanta gaarii fi badaa hojjate kitaaba kana keessatti ni argata. Akkana isaan jedhama: **â€œKitaaba kee dubbisi. Harâ€™a ati mataan kee of irratti herregaa taâ€™uuf gahaadha.**â€ Suuratu Al-Israa 17:14

â€œNabiyyoonni fi ragooleen ni fidamu.â€ Ummata isaanitti ergaa geessu isaanii gaafatamuf, isaan irratti ragaa bahuuf Nabiyyoonnis ni fidamu. Ragooleen ni fidamu. Ragooleen kunniin, malaaykoota, kutaalee qaamaa, hordoftoota Nabiyyootaa namoota waan gaariitti ajajanii fi waan badaa irraa dhoowwaniidha.

â€œGidduu isaanitti haqaan murteefamaâ€ Kana jechuun haqa guutuun namoota jidduutti murteefama. Sababni isas, qorannoon Rabbii nama hin miine, wantoota hundaa takka takkaan beeku

irraa kan baheedha. Ammas, wanti isaan hojjatan hundi Malaykoota kabajamoo ajaja Isaa gonkumaa hin faallessineen kan galmaaâ€™edha. Ammas, ragooleen isaan irratti ragaa bahu. Kanaafu, osoo homaa hin miidhamin haqaan isaan jidduutti murteefama.[\[6\]](#) Hojii isaa irratti hundaaâ€™e kan badhaafamu qabu ni badhaafama, kan adabamu qabu ni adabama.

Itti aanse Guyyaa Guddaa uumamtoota jidduutti murteefamu kana nama kijibsiise,akkana jechuun akeekachiisa: â€œGuyyaa san kijibsiiftootaaf ee badii isaanii!â€ Kijibsiiftoota jechuun namoota Guyyaan Qiyaamaa soba akka taâ€™etti yaadaniidha. Namoonni duâ€™an lamuu hin kaafaman jechuun yaadu. Namoota wantaakkanaa yaadanii fi amananiif ee badii isaanii. Guyyaa san yaa gaabbii fi ciminna adabbii isaanii! Rabbiin subhaanahu waaâ€™ee Guyyaa kanaa isaanitti beeksisee fi kakachuun akka dhufu mirkaneesseefi jira. Garuu isaan kana hin dhugoomsine. Kanaafu, adabbii isaaniif malu argatu.[\[7\]](#) Akeekachisni jabaan kuni suurah tana keessatti irra deddeebiâ€™uun dhufe. Kunis, karaa nafsee kijibsiisuu fi shakkiin dhukkubsatte ittiin fayyisaniidha. Qorichiakkuma irra deddeebiâ€™anii dhuganiin ykn liqimsaniin fayyaa namaaf taâ€™aa miti ree?

Itti fufaâ€!.

Kitaabban wabii:

- [\[1\]](#) Tafsiiru Qurxubii-21/494
- [\[2\]](#) Maâ€™aariju Tafakkuri wa daqaaâ€™iqu tadabburi-2/555-557
- [\[3\]](#) Zaadul Masiir-1503, Tafsiiru Xabarii-23/587-588
- [\[4\]](#) Tafsiiru ibn Kasiir-7/454 fi maddoota armaan olii
- [\[5\]](#) Tafsiiru Saâ€™dii-1066
- [\[6\]](#) Tafsiiru saâ€™adii-858, Maâ€™aarij-12/278-279
- [\[7\]](#) Tafsiiru Saâ€™dii-1066

Date Created

December 5, 2019

Author

admin